



La Quotidiana
 7000 Cuera
 081/ 544 89 10
<https://www.suedostschweiz.ch/laquoti...>

Medienart: Print
 Medientyp: Tages- und Wochenpresse
 Auflage: 3'443
 Erscheinungsweise: 5x wöchentlich

Seite: 15
 Fläche: 46'212 mm²

Auftrag: 3009371
 Themen-Nr.: 140.008

Referenz: 86407893
 Ausschnitt Seite: 1/2

70 onns lavur missiunara en Brasilia

Ella nova circulara «berichtet und beleuchtet», dalla Procura da missiuns dallas soras **dominicanas** da Glion, rapporta la menadra, Christine Imholz, da siu empreh viadi ch'ella ha fatg uonn en Brasilia e dad acziuns e projects realisai leu dapi 70 onns tras la missiun da Glion. Siu facit: Ella seigi stada fetg impressiunada dil viu ed udiu.



Christine Imholz, menadra dalla Procura dalla missiun da Glion, sin viseta tier scolaras cuntentas d'ina scola, menada dallas missiunaras da Glion.



Viseta dalla menadra dalla Procura allas responsablas dil Center social «Casa Maria Teresia» a Teresina.

FOTOS MAD

GIUSEP CAPAUL/FMR

Curdada fetg en egl seigi a *Christine Imholz* la situaziun generala en Brasilia: Ils cuosts per il da viver seigien carschi enorm, la fom sederasi pli e pli ed il diember dils senza agen tetg creschi. Era

la problematica pervia dallas drogas mudregi fetg las famiglias. Da tut quei seigien oravontut ils affons pertuccai e piteschien il pli fetg.

Dus munds aschi differents

La menadra dalla Procura dalla missiun dallas



soras da Glion ei plein admiraziun pigl engaschi dallas missiunaras, da collaboratur e collaboraturas che han prestau lavur preziosa en Brasilia sut paupras cundiziuns e grondas difficultads.

Brasilia ed Europa cun la Svizra seigien dus munds aschi differents. E tuttina demuossien eveniments globals – sco la pandemia corona, il clima surscaldont e las consequenzas dall'uiara ell'Ucraina – con fetg che nus essan tuts pertuccai. Mintgin da nus sappi contribuir al beinsesentir da tuts – specialmein denton en favur dils pli paupers.

Visitau diesch projects

La menadra dalla Procura ei stada fetg satisfatga ch'ella ha giu caschun da visitar tuts diesch projects social-pastorals, eregi el decuors da 70 onns dallas **dominicanas** da Glion ella pli gronda tiara dall'America dil Sid cun buca meins che 215 milliuns habitonts. Cun quels projects han ins saviu migliurar considerablamein surtut la veta d'affons e giuvenils. Constatau ei vegniu, sez dils pievels indigens ellas Amazonas, che la veta da mintgadi sappi buca mo consistier d'esser sfurzai cun menar in diraglia cumbat per surviver.

La miseria ei gronda

En Brasilia ha corona fatg che 33 milliuns han buc avunda da magliar. Quei ein 14 milliuns dapli ch'avon in onn. Pertuccada ei mintga 6av-

la persuna. Vitier vegn che milliuns carstgauns ein senza agen tetg. Biars ston sedecider alla fin dil meins, schebein els veglien cumprar da magliar u pagar il tscheins-casa. La paga minimala munta en Brasilia a 1200 reais (ca. 240 frs.), stuess denton contonscher 6400 reais per saver curclar ils cuosts da viver augmentai.

Ils programs socials statals ein vegni sbassai. Quei munta ch'ei dat pli pauc daners e consequentamein meins purschidas. Ins seigi daus anavos per 30 onns. La midada da reschim, succedida dacuort cun il niev president *Lula da Silva*, ha frenau empau la digren digl agid tras il stadi. Las soras procuran ch'ei detti avunda da magliar en lur centers socials e che quels, che han propi da basegns, vegnien risguardai. Tgi che ha fom, sa numnadamein buca spitgar tochen ch'ei dat cundiziuns gestas per tuts.

La missiun va vinavon

La menadra dalla Procura da missiuns dallas soras **dominicanas** da Glion, Christine Imholz, concluda siu vast ed informativ rapport, ch'ei atgnamein in appel, cun in citat biblic: «Quei che nus vein viu ed udiu, dein nus **vinavon** a vus». Il facit legreivel ed empermettent secloma perquei: Quella missiun sto ir **vinavon**. Quei sa mo succeder cun agid da donaziuns da fautors, faaturas, benefactors e benefacturas el spért solidaric sco tochen dacheu.